

“TASDIQLAYMAN”
O‘zbekiston Respublikasi
Yoshlar ishlari agentligi
direktorining birinchi
o‘rinbosari



J.Xodjayev
2022-yil “08” avgust

“KELISHILDI”
O‘zbekiston Respublikasi
Madaniyat vazirining
birinchi o‘rinbosari



B.Axmedov
2022-yil “08” avgust

“Yoshlar raqs” festivalini o‘tkazish tartibi to‘g‘risida NIZOM

I.Umumiy qoidalar

1. Mazkur Nizom yoshlar o‘rtasida “Yoshlar raqs” festivalini (keyingi o‘rinlarda – festival deb yuritiladi) o‘tkazish tartibini belgilaydi.
2. Ushbu festival yoshlar xalqimiz, xususan, yosh avlodni milliy raqs san’ati haqidagi nazariy va amaliy bilimlar bilan keng tanishtirish orqali ularning qalbi va ongida milliy o‘zlikni anglash, ajdodlar merosiga hurmat tuyg‘usini, yuksak badiiy-estetik did va tafakkurni kamol toptirish hamda yoshlar o‘rtasida milliy va zamonaviy madaniyatni targ‘ib qilishga yo‘naltirilgan.
3. O‘zbekiston Yoshlar ishlari agentligi, O‘zbekiston Respublikasi Madaniyat vazirligi, O‘zbekiston Respublikasi Xalq ta’limi vazirligi, Qoraqalpog‘iston Respublikasi Vazirlar Kengashi, viloyatlar va Toshkent shahar hokimliklari festival tashkilotchilari hisoblanadi.
4. O‘zbekiston Respublikasida istiqomat qilayotgan millati, dini, ijtimoiy kelib chiqishi va tilidan qat’iy nazar 10 yoshdan 30 yoshgacha bo‘lgan yoshlar festivalda ishtirok etadilar.
5. Tashkiliy qo‘mita Festival nizomiga o‘zgartirish va qo‘shimchalar kiritish vakolatiga ega.

II. Festivalning maqsadi va vazifalari

6. Festivalning asosiy maqsad va vazifalari quyidagicha:
 - yosh avlodni zararli tashqi mafkuraviy ta’sirlardan asrash, ularni milliy qadriyatlar va vatanparvarlik ruhida tarbiyalash;
 - iqtidorli yoshlarni aniqlash, ularning iste’dodlarini namoyon qilishlariga imkoniyat yaratish va qo‘llab-quvvatlash;
 - yosh avlodning madaniy saviyasini yuksaltirish, ularning ma’naviy olamini boyitish, sa’nat va go‘zallikka intilishini kuchaytirish;
 - iqtidorli yoshlarning ijodi hamda tashabbuslarini keng ommaga ayniqsa, yoshlar orasida targ‘ib etish, havaskor va professional jamoalarning ijodiy faoliyatini rag‘batlantirish.

III. Festivalni o'tkazish bosqichlari, muddatlari, yoshi va yo'nalishlari

7. Festival **5 bosqichda** o'tkaziladi.

Birinchi bosqich: (mahalla bosqichi)

Ikkinchi bosqich: (sektor bosqichi)

Uchinchi bosqich: (tuman va shahar bosqichi) musiqa va san'at maktablarida (musiqa va san'at maktabi bo'lmagan tuman (shahar)lar uchun eng yaqin joylashgan tuman (shahar) musiqa va san'at maktabida) o'tkaziladi.

Festival yo'nalishlari ishtirokchilarining soniga qarab, uni tartibli va mazmunli tashkil etish maqsadida yo'nalishlar bo'yicha har xil vaqtda tashkil etilishi mumkin.

O'tkazish rejasi har yili arizalar qabul qilingandan so'ng Respublika tashkiliy qo'mitasi tomonidan belgilanadi va e'lon qilinadi.

To'rtinchi bosqich: (hududiy bosqichi) Qoraqalpog'iston Respublikasi, viloyatlar va Toshkent shahrida noyabr oyida o'tkaziladi. O'tkazish rejasi har yili hududiy tashkiliy qo'mita tomonidan Respublika tashkiliy qo'mitasi bilan kelishilgan holda belgilanadi va e'lon qilinadi.

Beshinchi bosqich: respublika bosqichini o'tkazish sanalari Respublika tashkiliy qo'mita tomonidan belgilanadi va kamida 20 kun oldin e'lon qilinadi.

8. Festival **3 yosh toifasida** o'tkaziladi:

1-toifa 10-15 yosh;

2-toifa 16-22 yosh;

3-toifa 23-30 yoshgacha.

9. Festival quyidagi **2 yo'nalish** bo'yicha o'tkaziladi:

Milliy raqs

- yakkaxon raqs;

- jamoaviy raqs (3- nafargacha)

Zamonaviy raqslar:

- yakkaxon raqs;

- jamoaviy raqs (3- nafargacha)

IV. Festival shartlari

10. Tanlovda 10 yoshdan 30 yoshgacha bo'lgan yakka ijrochi hamda jamoalar ishtirok etadi.

11. Festivalning yo'nalishlari ishtirokchilari uchun ijro vaqti quyidagicha belgilanadi:

1-toifa: 10-15- yosh uchun 5 daqiqagacha;

2-toifa: 16-22 yosh uchun 5 daqiqagacha;

3-toifa: 23-30 yosh uchun 5 daqiqagacha.

Ishtirokchilar belgilangan vaqtdan o'tib ketgan taqdirda hakamlar hay'ati a'zolari ijroni to'xtatib qo'yishlari mumkin.

12. G'oliblar (1-2-3-o'rin) tanlovning kelgusi mavsumida yoshidan hamda yo'nalishidan qat'iy nazar ishtirok etishi taqiqlanadi.

13. Barcha yo'nalishlar bo'yicha ishtirokchilarning ijodiy chiqishlari tomoshabinlar va tinglovchilar tomonidan kuzatilishi ta'minlanadi (Respublika bosqichi bundan mustasno).

V. Festivalni tashkil etish va o'tkazish tartibi

14. Festivalning barcha bosqichlarini tashkil etish va o'tkazish uchun tashkiliy qo'mita va hakamlar hay'ati tomonidan shakllantiriladi.

15. Festivalning barcha bosqichlari uchun har bir yo'nalishda uch nafardan kam bo'lmagan sohaning malakali mutaxassislaridan iborat hakamlar hay'ati shakllantiriladi. Hakamlar hay'ati tarkibi musiqa va san'at maktablarining malakali mutaxassislari, taniqli, el hurmati va e'tiboriga, davlat mukofotlari va boshqa unvonlarga sazovor bo'lgan san'atkorlar, xoreograf (baletmeyster), orasidan shakllantiriladi.

16. Tashkiliy qo'mita va hakamlar hay'ati tarkibi hududiy tashkiliy qo'mita tomonidan tasdiqlanadi.

17. Qoraqalpog'iston Respublikasi, Toshkent shahri va viloyatlardagi tashkiliy qo'mitalar tomonidan festivalning 1-bosqichlaridagi hakamlar hay'ati ishiga raislik qilish uchun har bir tuman (shahar)ga hududiy hakamlar hay'atining bir nafar a'zosi biriktiriladi va hakamlar hay'atiga hududiy hakamlar hay'ati tarkibidan biriktirilgan vakil raislik qiladi.

18. Festivalning tuman (shahar) bosqichidan hududiy bosqichga har bir yo'nalishdan uch nafardan (har bir yosh toifasi hamda yo'nalishidan 1-o'rinni egallagan) ishtirokchilar (***har bir hududdan yakkaxon 6 nafar jamoaviy 18 nafargacha jami 24 nafar 14 ta hududdan jami 336 nafar***) yoshlar yo'llanma oladilar.

Hakamlar hay'ati a'zolari bir vaqtda tegishli tashkiliy qo'mita a'zosi bo'lishlari ham mumkin.

19. Barcha darajadagi (mahalla-sektor-tuman, shahar, hududiy, Respublika) hakamlar hay'ati qarori qat'iy bo'lib, o'zgartirilmaydi, e'tirozlar (*appelasiya*) qabul qilinmaydi va qayta ko'rib chiqilmaydi.

VI. Festivalga taqdim etiladigan hujjatlar

20. Festivalda ishtirok etish istagini bildirgan yoshlarning hujjatlari mahalla yoshlar yetakchisiga topshiriladi (offlayn) yoki onlayn bot orqali ro'hatdan o'tiladi (ijtimoiy tarmoqlarda bot e'lon qilinadi)

21. Festival ishtirokchilari tomonidan quyidagi hujjatlar taqdim etiladi offlayn:

- ariza-anketa;
- shaxsini tasdiqlovchi hujjat (tug'ilganligi haqida guvohnoma) ning nusxasi;
- fotosurat 3x4 o'lchamda 2 dona;

22. Milliy raqs va Xoreografiya oliy maktabi o'quvchilari hujjatlari festivalda ishtirok etish uchun qabul qilinmaydi.

VII. Festival g'oliblarini aniqlash taqdirlash

23. Festivalg'oliblari Hakamlar hay'ati tomonidan **10 ballik** tizimda, quyidagi mezonlar asosida baholanadi:

- ishtirokchilar professional tayyorgarlik, badiiy ijrochilik mahorati, repertuar saviyasi kabi mezonlarga javob berishi;

- aktyorlik mahorati;

- raqs syujeti;

- ijro vaqti 5 daqiqadan oshmasligi;

- ishtirokchilar sahna va kiyinish madaniyati talablariga javob berishi lozim.

24. Hakamlar hay'ati tomonidan qo'yilgan ballar Festival yakunida umumlashtiriladi. Eng yuqori ball to'plagan ishtirokchilarga barcha yo'nalishlar bo'yicha 1-2-3-o'rin beriladi (*yakkaxon 18 nafar, jamoaviy 54 nafar*).

25. Festivalda g'olib va sovrindor bo'lgan cholg'u ijrochilariga Tashkiliy qo'mitaning qaroriga qarori bilan pul mukofotlari berilishi ham mumkin.

26. Festivalning har bir bosqichida yo'nalishlar bo'yicha eng yaxshi natijalarga erishgan ishtirokchilar tashkilotchilar, mahalliy, hududiy hokimliklar va homiylar tomonidan tayyorlangan sertifikat, diplom va esdalik sovg'alar bilan rag'batlantiriladi.

VIII. Yakuniy qoidalar

27. Festivalni o'tkazish jarayonlari bo'yicha kelib chiqadigan nizolar qonun hujjatlarida belgilangan tartibda hal etiladi.

28. Festivalni o'tkazish bilan bog'liq sarf-xarajatlar quyidagi manbalar hisobidan moliyalashtiriladi:

O'zbekiston Respublikasi Yoshlar ishlari agentligi mablag'lari:

- mas'ul ijrochilarning budjet va budjetdan tashqari mablag'lari;

- jismoniy va yuridik shaxslarning homiylik xayriyalari;

- qonun hujjatlarida taqiqlanmagan boshqa manbalar.